

کفو اولور و یا خود هانکیسی اصلح اولدینی مجبور قالیر ایسه آرملرنده قرعه چکایر . فصل که حضرت سعد بن ابی وقاص قادیسه کونی اذان او قومی ایچون بین الناس نزاع حادث اولونجه علیه الصلاة والسلام افندیزک . اکر انسانلر اذان او قومده و نمازده صف اوله کچمکده کی فضیلتی بیلوبده بوکا نائل اولاق ایچونده قرعه دن باشقه چاره بولاماسیدیلر مطلقاً بیلرلنده قرعه آتارلردی . حدیث شریفه متابعت ایدرک قرعه چکدی .

الحاصل تقدیم مسأله سنی ایش واضح اولنجه اللهم امری موجبجه ، خفی اولدیندهده قرعه ایله اجرا ایدر ایسه ولی الامر مصالح امتک ولایات باینده عهده سنده کی اماناتی رینه کتیرمش اولور .

مترجمی: عمر رضا
احمد ابن حیمه الحرانی

شیخ الاسلام

صلح کورولتولری

صوک زمانلرده اوروپا مطبوعاتی صلح سوزنی ایکیده برده اورتهیه سو ریورلر . اساساً بوفکر ، ایلک اوکجه روسیه ، صوکره فرانسه وانکلتره دن ترشح ایش؛ دهها صوکره لری بیطرف مملکتلر مطبوعاتی طرفندن اوزون اوزادی به موضوع بحث اولمشدر . روسیه ، متفقاری بولنان فرانسه وانکلتره دن پاره چکپیلک ایچون ، آنلری صلح منفرد ایله تهدیده باشلامش و متعاقباً اون ملیون لیرالقی برآوانس قوپاره بیلشیدی . فرانسه کنیدیسی محتاج همت اولدیندن ایلروده روسیه به معاونت مالیه ده بولنه میه جفی ده پارسده انعقاد ایدن مالیه ناظرلرینک مذاکراتی اثناسنده روس مرخص مالیه سه افهام ایلشیدی . انکلتره ایسه روسیه دن ایلروده جلب ایده کی ذخیره لر مقابلنده مهم مقداره پاره ویرمکی وعد ایدرک ، ایشی پاموق ایلکنه باغلامشدر . روسیه ده موجود اولان ذخائر هرشیدن اول کنیدیسه الزم و بویه برزمانده خارجه سوق غیر معقول اولدینی کچی ؛ بولارک قبالی بولنشدن طولانی ده غیرممکنیدر . دیلک اولبورکه ، روسیه دن ذخیره چیقه میه جفی ؛ فرانسه وانکلتره دنده روسیه به امداد واقراض مالی ممکن اوله میه جقدر .

بز بو آجی حقیقت بالطبع روسلری -- خصوصاً صلح طرفدارلری اولان ارباب حل وعندی -- که چارچه دخی او زمره به داخلدر -- دوشوندیرمشدر . روسیه بو آنه قدر میلیونلرجه تلفات ویردکن بشقه یوز بیکارجه عسکرینی ایشه یاراماز برحاله دوچار ایش و بریجی میلیون متجاوزده تسیر ویرمشدرکه هیچ برحاربه ده روسیه بو قدر دهشتلی برصورتده متضرر اولامشیدی . فرانسلرده اویله .

فقط انکلتره حکومتی متفقاری قدر ضرره کیرمه مشدر . بوحال کنیدیسنک جان وکولدن حربه اشتراک ایشک ایستمدیکنی اثبات ایدیور . نته کیم بدایت حربدنبری سفان حربیه سنی ایچروده صاقلامش وانلری هر درلو تهلیکدن محافظه ایلشدر . بناء علیه روسیه پاکش بر بوله صایمش اولدینقی و یهوده یره هداکار لقمه دوام ایتدیکنی ایدن اینه آکلادینی کچی ؛ انکلتره نکده انترجه سنا ایمان ایدرک ، کنیدی باشنه آلمانیا ایله صلحه -- قرار قطعی ویرمهش اولسه بیه -- مائل اولشدر .

فرانسه به کلنجه اوده آلمان قوتلرینی یاروب تأمین موقیت ایده میه جکچی

آکلامش اولدیندن اورادهده صلح سوزلری ، تشبثلری ایچه بول آلمشدر . فرانسه ده کی اختلافات افکار و مسالک دخی بو مقصدک حصوله یاردم ایده جک اولورسه کرک فرانسه ده و کرک روسیه ایچنده داخلی اغتشاشلر ، کورولتولر حاصل اوله جفی بدیهیدر . بونک ایچون صلح آرزولرینک منبع حقیقیسی ائتلاف مثک مملکتلری تشکیل ایدیور . انکلتره صلح رفیقاری قدر آرزو ایتز . او یالکنز حربک دوامی و آلمانیا ایله آوستریا مجارستانی قحط بلیه سیله تهدید ایشک ایتز . بو ایسه آیلره دکل ، سنه لره متوققدر . فرانسه و روسیه حربک دوامی کنیدی منفعتلریله تألیف ایده مدکلرندن ایشک بر آن اول نتیجه نمسی دیله بولور . حتی بونک ایچون آسریقایه ، ایتالیا به و پایابه ده احتمالک سرابته تله توسط ایتلری طلب ایلشدر .

آلمانیا و آوستریا طرفندن صلح ایچون بو آنه قدر بر طلب وقوع بولادینی کچی موافق بر جوابده ویرلشمش اولدینغه باقیلرسه ، هرا یکی مملکتک افکار عمومیه سی حربک دوامی ایستکلرینه باهر بر دلیل تشکیل ایدیور .

بزه کلنجه حد اولسون بز بوکی لافیردیلری ایشیتک بیه ایستیمورز . چونکه بوتون حدودلرده غالب بروضعیتده بز . غالبیتزک ثمراتی ان شاء الله بحق اقتطاف ایده جکتر . جهاد کوندن کونه عالم اسلامده تأثیراتی کوسترمکده در . ان شاء الله باقینده ایران ایله افغانستانکده روسیه به وانکلتره به هجوملرینه انتظار ایتلی در .

بناءً علیه هنوز صلح زمانندن خیلی اوزاقده بز .

س . م . توفیق

شیون

ائتلاف مثلثه قارشی جهاد اسلام

تبلیغات روسیه :

چنانچه قلم :

۳۱ مارت: دشمنک برقاج ترصدساتی دون چناق قلمه بوغازی خارچندن مدخل جوارنده کی بطاریه لر یزده یاریم ساعت تأثیرسز آتش ایتدیلر . بطاریا لر یزک مقابل آتشدن دشمنک برز رهلی و برطور پیدوسنه مریمی ایتلری کورلشدر .

ایروز :

۲۶ مارت : دون بر قسم دشمن فیلوسی بر ایش یاغش اولقی ایچون اینوز (دراغودینا) اسکله سینه یکریمی قدر مریمی آتشدن صکره ایکی فلکه دروننده عسکر چیقارمغه تشبث ایش ایسه ده اوراده بولنان جزئی قونده کی محافظلر دشمنک طردینه کافی کلشدر . دشمن بیده اوجوارده بر خانه به بر ایکی مریمی آتوب چکلدی . هیچ بر زیان اولامشدر .

قافقاس :

۲۷ مارت : قافقاس جهه سنده ایلری مواضعده خفیف مصادمه لردن باشقه مهم برشی یوقدر .

سوریه :

۲۷ مارت: اولکی کون ایکی دشمن قرووا زوری سوریه ساحلنده (غزه) اسکله سنی وجوارینی ایکی یجق ساعت فاصله لی بومباردمان ایش ، اسکله یی قسماً تخریب ایش ، قصبه به دوشن برقاج مریمی هیچ برزیانی موجب اولامشدر .

ع . اشرف ارب

حقوق مطبعه سی